
Қува туманида мева-сабзавотчилик борасида амалга оширилаётган ишлар билан танишиш мақсадида пресс-тур бўлиб ўтди.

Қува туманида **13309** гектар боғ ва сабзавот етиштириладиган майдонлар мавжуд бўлиб, 2022 йилда туманимиз меҳнаткашлари томонидан **250,5** минг тонна ҳар хил турдаги мева-сабзавот маҳсулотлари етиштирилиши режалаштирилмоқда.

Жумладан, сабзавот маҳсулотлари **156,6** минг тонна, полиз маҳсулотлари **8,5** минг тонна, дуккакли дон маҳсулотлари **2,8** минг тонна, мева маҳсулотлари **76,6** минг тонна, узум **5,9** минг тонна ҳамда гилос **19,9** минг тонна маҳсулотлар етиштирилиши режалаштирилган.



Қува туманида ОАВ вакиллари, журналист ва мустақил блогерлар иштирокида ўтказилган Пресс-тур давомида Қува туманида мева-сабзавотчилик борасида амалга оширилаётган ишлар, боғдорчилик фермер хўжаликлари фаолияти билан танишдилар.



Мазкур етиштирилган мева-сабзавот маҳсулотларини сақлаш ва қайта ишлаш борасида олиб борилаётган ишлар ҳам назардан четта қолмади. Жумладан тумандаги мавжуд музлаткичли омборхоналар ва қайта ишлаш корхоналари фаолияти билан танишдилар.

Бугунги кунда туманда мева-сабзавотларни экспортини амалга оширишда мавжуд қуввати **6350** тонна бўлган **29** та музлаткичли омборхоналардан самарали фойдаланиш кўзда тутилган бўлиб, жорий йилда янги **3** та корхоналар томонидан **5000** тонна сиғимга эга бўлган музлаткичли омборхоналар ишга туширилиши режалаштирилган.

Ўтказилган пресс-тур давомида ташриф буюрувчилар мазкур соҳада етарли маълумотларга эга бўлдилар. Соҳада амалга оширилиши режалаштирилган янги лойиҳалар ҳақида ҳам мутахассислар томонидан ахборот бериб ўтилди.

2022-04-27 21:01:00